



YELOD TELDEGMÄLID

NÜM: 02

FEBUL 2016

Pads: 09 jü 16

O Volapükaflenes valöpo!

Ven studoy Volapüki – e pato vödis Volapükik –, tăn tüvoy anis, kelis nutimo lecedobs patädikis de timäd pasetik. Atos suvo baibinon tefü nems länas. Ön jenets mödikün no veütos, ömna ye sötöy dönu vätälön vödis somik. Volapükän Tsyinänik: *Danny Zhang*, kel i sevon mödikosi dö jenotem läna: *Korea*, e kel spikön Yapänapüki, emäniotom, das nem Volapükik läna at: Tsyosenän – bo fa hiel *Arie de Jong* penüdugöl ini Volapük – no pöton.

Ekö! limans kadäma estudons dinädi at. Su tinisul Lofüda-Siyopik et reigän nemü *Goryeo* ädabinon de 918 jü 1392 ma timed kritik. Täno reigän *Choseon* äsökon de 1392 jü 1897. Poso el *Daehan Jeguk* efünon, kel sinifon Linglänapüko: *Great Korean Empire*, Deutänapüko: *Groß-koreanisches Kaiserreich*, kel älaidulon, jüs ün 1910 Yapänans äkonkerons oni. Län ävedon kolunän Yapänik ön nem ettimik, fe ön fom Yapänapükik: *Chōsen*. Nutimo lödäns mödik läna at lecedons vödi at lenofi. Pos volakrig telid e klemed Yapäna, gretanämäds ettimik bofik, sevabo Sovyätabalatam e Tats-Pebalöl, äteilsons läni patomöl ad flunaziläks oksik. As sek atosa tats tel ädavedons, sevabo tat nolüdik nemü *Chosön* e tat sulüdik nemü *Hanguk*.

Sis tumyels anik nem bevünetik tinisula at binon *Korea*, e nu geboy nemis *North / South Korea* (Lingl.), *Nord- / Südkorea* (Deut.), *Corée du Nord / Sud* (Frans.), e ret.

Hiel *Arie de Jong* ädefomom vödi: Tsyosenän < de nem Yapänik, vio äsevom oni ettimo. Ab nutimo vöd at vo no plu binon nem pötik, bi mödikos äjenon sis 1931. Kanols reidön su pad: 14 utosi, keli kadäm Volapüka esludon dö dinäd at.

Valikosi gudikün oles ed olsikanes  
sedom

*HPL-L-RKS*

## KONSÄLS GRAMATIK

fa *Dr. Arie de Jong*, pekobüköls fa *Brian R. Bishop* ün setul 1979

### DIL TELID

**2.8.1953**

#### LAFAB VALEMIK

„Johann Martin Schleyer’ idatuvom ün 1878 „lafabi valemik” tonatas 37. Ävilom ed äspelom, das pö penam natapükas valik vola te lafab at pögebon. Bi tonat alik lafaba at labon proni balik fümik, äcedom, das atos öbalugükönöv läрни, proni e suemi pükas foginänik.

#### VOTIKAMS VOLAPÜKA

Säkol, va votikams staböfik pelüblinons ini gramat. Cedü ob: si!

Samo: dins binons gramatiko neudiks, ab büikumo pö konyug ai foms manik värba pägebons. Atos no binon kludöfik ma ob. Nu pö dins foms neudik ai pagebons.

Sam telid: 2 = tel; 3 = kil; ... 10 = deg; 20 = teldeg; ab büikumo: 10 = bals; 20 = kils; ..., klu: 11 = balsebal; 12 = balsetel; 23 = telsekil; ... Nu: 11 = degbal; 12 = degtel; 23 = teldegkil; ...

I pö fomam koboyümavödas balugikams anik pelüblinons.

#### **Vödeds anik:**

cedü ob	= <i>in my opinion</i>	neudik	= <i>neutral</i>
kludöfik	= <i>consequent,</i>	staböfik	= <i>radical</i>
koboyümavöd	= <i>compound word</i>	votikam	= <i>change.</i>
lüblinön	= <i>to bring in</i>		

**23.9.1953**

#### KAPSÜL, KAPSUL, KAPSUT

kapsül	= <i>capsule, bottle cap.</i>
kapsul	= <i>capsule ad kipädön (to contain) medini mismeköl (nasty tasting). Pötekan (chemist) kanom jonön ole kapsuli. Klu no binon pilul (pill).</i>
kapsut	= <i>capsule (seed vessel of a plant).</i>

#### FULÜKÖN, PLOMÖN

<i>to fill</i>	= fulükön.
<i>to fill teeth</i>	= plomön. (Klu el ‚plomön’ no pagebon pro fulükam hogas plödü uts tutas.)

19.12.1953

VOTIKAMS SISIK VOLAPÛKA

Säkol, va Gramat Vpa ya pevotükon. Nö! Ni gramat ni vöds Volapükik plu votükons. Te if tüvoy pöki somik, ozesüdos ad menodön oni.

DIAMOIN, DIAMAIN

Dif vü „diamoin” e „diamain” binon, das diamoin binon min, e diamain binon bijut.

„ADDITION” (LÄ, SA)

„Addition”: lä = *by*; läükön = *to add, to put to*; läükot = *addition, appendix*; sa = *plus*; saedön = *to enumerate, to number*; saedam = *addition, act of enumerating*; saedot = *sum, the whole amount*.

**Vöds anik:** bijut = *jewel*; menodön = *to amend*; min = *mineral*.

SMOKÖN-SMÖKÖN, LAGÖN-LÄGÖN, NOYÖN-NÖYÖN, SEADÖN-SEIDÖN

smokön	lagön	noyön	seadön
<i>to smoke v.i.</i>	<i>to hang v.i.</i>	<i>to be drowned v.i.</i>	<i>to sit v.i.</i>
smökön	lägön	nöyön	seidön
<i>to smoke v.t.</i>	<i>to hang v.t.</i>	<i>to drown v.t.</i>	<i>to seat v.t.</i>

Värbs in ked balid pemäniotöls binons neloveädiks, et uts in ked telid loveädiks. Malams at (sevabo: va binons neloveädiks u leveädiks) pagivons in vödabuk gretik. If demoy, das värbs, kelas vokats: ä, ö, ü, i < kömons in ked lafabik pos vokats: a, o, u, a, binons loveädiks, e votiks neloveädiks, tän kanoy memidön fasiliko, värbs kinik binons loveädiks e kiniks neloveädiks. (In Deutänapük ä, ö, ü binons vokäts elas a, o, u, ab in Volapük els ä, ö, ü binons tonats, äsä tonats votik lafaba.)

**Sams:**

Fil smokon vemo, bi boad binon luimik.

„John” smökom zigarüli.

Elägob guni obik, e nu gun lagon len klotilägöm.

Äfalom ini vat, ed änoyom.

Enöyom nimis dämabik.

Eseidof bovedis sui tab, e seadof nu su stul.

**Vöds anik:**

boved	= <i>plate</i>	luimik	= <i>wet</i>
dämabik	= <i>harmful</i>	malam	= <i>indication</i>
ked	= <i>row</i>	neloveädik	= <i>intransitive</i>
klotilägöm	= <i>row of pegs</i>	zigarül	= <i>cigarette</i> .
loveädik	= <i>transitive</i>		

NEDÖN E NEODÖN

Ad suemön gudiko disti vü värbs at, zesüdos, das studol kapiti: „Värbasots” su pad: 69 gramata. „Nedön” binon värb sekidik, e „neodön” binon värb loveädik. Änedom golön usio = He needed to go there. (In Vp nen „ad”.) Neodobs penis e nigi.

**Vöds anik:**

dist = (*distinct*) *difference*; loveädik = *transitive*; sekidik = *dependent*.

**9.3.1954**

LADYEKS

Säkol obe, ön jenets kinik ladyeks i mutons padeklinön äsä subsats, lü kels dutons. Benö! if no binons po e fo subsats, ed if padeteilons de subsats dub vöds votik, no ladyeks binöls, mutons padeklinön äsä subsats, lü kels dutons. (Logolös § 51 gramata!)

**Vöds anik:**

deklinön = *to decline*; deteilon = *to separate*; jenet = *case, event*.

RAGEIG, STONASFER

Els „rageig” e „stonasfer” binons vödeds talavik. Rageig binon jüd bäldikün talakruta. Ün timäd rageigik lifots no nog ädabinons, klu fösil no komädons in jüd talavik.

Stonasfer binon dil stonik talakruta. Ön mod ot kanoy spikön dö vatasfer, lutasfer, stratasfer, ...

**Vöds anik:**

fösil = *fossil*

jüd = *layer*

krut = *crust*

lifot = *living being*

lutasfer = *atmosphere*

stratasfer = *stratosphere*

talavik = *geological*

timäd = *epoch, era*

vödöt = *term*

**9.3.1954**

PRÄPODS

In Volapük präpod neai kanon papladön len fin seta. Präpod muton ai papladön fo subsat, pönop, värb, ...

PLU, MÖDIKUMO

Vöds bofik et binons ladvärbs. Klu: „Ba okanob dunön plu (u: mödikumo) ün tim nilik”.

*Pofövon.*

**BLÖF – dil telid**

‘The Confirmation’ fa *Frank Roger*, petradutöl fa *Hermann Philipps*

Bo äkanoy büocedön, das pösods kil at no fädo äkomons is. Älabons bligi seimik. Vom itelefonof ko löpans okik. Man yunik ko lilalilöms te jino ädalilom musigi. Jenöfo ästebedom būdis. Bligād bāldikana no nog āklūlon, ab ösevädūkon-la oki dū jenād dināda.

Kis äbinon-li natāl bliga onsik? Ävobons-li pro cifod, sukōlo eki, kela komi in tren at āniludoy? Krimani-li? Eki tävöl zādelaneito lū zeilöp neverätik ko trök, āsā om it. Baiādom-li ba ko bepenot pösoda pasukōl et? Öfanābū-kons-li ba omi, cānidōlo omi tefū pösod sūmedōl om? Ud ävobons-la komitū krimanasog taik, ön jenet kelik badikumos öreifonöv omi.

Atos äbinon-la plān, kikodo vom et iklavof so spidiāliko. Inunof cife oka, das ituvons pösodi pesukōl in tren, ed āsākof omi, va āsōtons dadunön disini oksik ... u fanābūkōn omi, ud – atos no binosōs! – moūkōn omi. Kisi ācedons-li, das ākepolom in trök omik? Brietadrogis-li? Moni-li u vōlada-yegis votik? Öbinosöv sūpād pro ons, ven ömaifūkons oni ed ölogons ninādi. Tāno ye öbinosöv tu latik.

Älemufūkom kapi. Niluds valik at klūlo äbinons nesiāmōfiks. Te āsteifūlom ad jāfūkōn tikāli okik dū trenatāv naūtik. Vom nu islipūlikof. Man yunik dōnu ädalilom musigi ko logs fārmik, e man bāldilik nu löliko ājāfālom ko krodavōdarāt. Val ānomon. No ānedom kudōn.

Ven äbeigolom onis ad rivōn prifeti, nek tāvanas kil et ālogedon lū om pu brefūpo. Ven āgekōmom, āloegom ko stun levemik padasukōn trōki oka fa vom e man bāldik.

“Kisi ūfo dunols-li?” ävokādom leskaniko. Man yunik jiti brefaslivik lenlabōl āgleipom omi len brad, dat no ākanom gesumōn trōki oka. Man bāldik lūlogom omi koldāliko, ed āsagom: “Äbinos stupot ad posblibūkōn pākemi olik nen galed, ven āgolol lū prifet, pato lo gredāt olik. Vo ebinos pōk vemo stupik.”

Hiel *John* äsevedikom, das dido igidetom. Pösods kil at äbinons is kobo demū blig, kel ön mod seimik ātefon omi. U pu so ācedons.

“Stopō!” āsagom mane bāldik. “Pölols. Nos binon in trök oba, kel nitedon olis. E no binob utan, keli lecedols obi.”

Man älōūkom logabobi ed āgespikom: “No binol-li söl: *Barrymore*? El *John Barrymore*-li? De *Dartmoor Grove*-li? Tävöl lū *Primrose Creek*-li, kō kolkōm veūtik perajanon?”

Hiel *John* āslugūlom me tōb, steifōlo ad bemastikōn lejeki, kel in om ādavedon.

“Si! binob el *John Barrymore*, ab ...”

“Ekō! Etuvobs mani verätik. Ed egetobs trōki, keli āvilobs labōn.”

“Ninādon utosi, keli neodobs”, vom āsagof, dū āfārmūkom trōki dōnu. “Moikobsōs! Eledunobs komiti. O *Geoffrey*! jāfikolōs dō söl: *Barrymore* at, dat no kanom kodōn fikulis.”

*Fövot ofovon.*

Man yunik äletiom omi lū prifet, äjoikom omi ninio, ed äflapom sui kap oma me yeg vetik. Val ädagikon.

Pos tim anik el *John Barrimore* äsevälöfikom; koap okik äseaton levemo nekoeniko in prifet, kap oka äpebon doliko, e logam okik äbinon nekleilik. Memamagots dō utos, kel ijenon, piano äprimons ad geikōn: pōsods kil et in tren; fomālod oka, kel iveratikon; per trōka, e fino mūkūkam.

“Lio lunūpo ebinob-li is?” äsäkom oki. Ägelugolom lū seadöp oka ed älogom, das midunans kil et inepubons – leigo trök oma e, pō vestig kuratikum, bōb e telefonōm polovik oma.

“Dido sōtob plu prūdōn”, ätikom. “Mutob kontrolōn oki tefū magālods oba. Tu vemo binons nāmādiks e vobediks, e klienons ad votūkōn jenōfi. Reafons plōdū kontrol e jenōfikons, ed ōmna no frutū ob.”

Älasumom buki, kel nog äseaton nāi om. Utans kil, kels itatakons omi, no initedālikons dō on. Älūlogom tiādi: “Geidian pro primans ad drims ojenōfikōl”. Ekō! at no äbinon buk, keli ireidom. Atos äbinon-li ret lätik magāloda bisarik ut, keli ilifādōm? Äsludom ad blufōn oni. Ämaifūkōm buki, ed äprimom ad reidōn oni. Ba nog ämōgos-la ad nātūkōn stadi, būä ōbinos tu latik.

Du tren älaivegon āl *Primrose Creek*, äreidom ko kūpāl vemōfik. ■

### **Vōds anik:**

**büocedōn** to presuppose, voraussetzen, presupponer;

**cifod** the authorities, Obrigkeit, autoritates;

**jenōfikōn** to come true, wahr werden, realisar se;

**lugolōn** to stagger, torkeln, titubar;

**magālod** fantasy (sth. fantasized), Phantasterei, cosa imagnate;

**mūkūkam** humiliation, Demütigung;

**nāmādōn** to be powerful, Macht ausüben, esser potente;

**vemōfik** intense, intensiv.

---

## **Vōds nulik (1)**

### **(a) Tsyosenān**

In **Vödabuk Volapūka pro Deutānapūkans** fa hiel *Arie de Jong* tuvoy lānanemi: "Tsyosenān" sa pūkanem: "tsyosen" ad malōn lāni, keli bevūnetiko sevoy as *Korea* (Frans.: *Corée*), e pūki, keli spikoy us. Demū kods su tiādapad gaseda at pemānietōls kadām Volapūka esludob ad zepōn vōdi: "Koreyān", kel ya pagebon necalōfiko in resodatop: *Vükiped*\*, pla "Tsyosenān", kel reto pägebōn te balna in yeged Volapükik, sevabo in "Bosil alsotikosa sogū hiel John Redgwell" fa *Ralph Midgley*. Koreyān peteilon ad Nolūda- e Sulūda-Koreyān. Netapük paspikōl in lāns at ponemonōd: "korey" pla "tsyosen".

\* (<https://vo.wikipedia.org/wiki/Nolūda-Koreyān>)

(<https://vo.wikipedia.org/wiki/Sulūda-Koreyān>)

## **Lio föfiomufoy-li vifikumo ka vien – tö ‘Yekaterinburg’?**

*Fa Daniel Morosof*

“Rusänan kinik no plidon-li vabami vifik?”, äsäkom semanaedo hiel ‘Gogol’: lautan Rusänik famik. Lesi! valikans plidons osi, ab no valikans sevons, me kin mögos ad vabön so vifiko äsä sagit u vien, ü ma notodot Rusänapükik “ko filil”. Toodans, luyali algödo pö dakosä-dastob in sütadakosäd glumiko stebedöls, verato pafanäböpons fa pölaced, bi igo if labons jevodanämis mödik dis futs oksik, näms at no okanons so mofugön plödio, äsä filalanan Larabänik (sevabo ‘genie’, ‘jinnie’) ninü flad laidio pifanäbüköl äkanon. Vo motora-vaban nonik fägon ad vedön hiel ‘Aladdin’ atimik.

Igo träms e lektinanibuds mufons nevifiküno: nims nobik at, pe-jafons ad binön stägs vifafutik ko hons spagik, bevü toods kofudons e cenons ad snels brefanatemamik ko honils lügiko delagöls.

Vätälölo dinädis zifa kanoy konfidön te nämi oka, sevabo: konfidön nämi tira menik. Sekü atos vifavegons, joföri ad senälön glöti mütölo, äsä mätatoodistirans famik, dalabans saikulas, tridavegömas e luibasketas. E binos fikulik ad dasevön, vegöm kinik atas binon vifikün, ibä atos sekidon de mast stira. Esuemob atosi semanaedo, ven ävegob ko luibasketan bal mätölo ve süt: ‘Majinostroteley’, sevabo “cinimekanas” ü “cinelas” Rusänapüko (ästanob su platot tridavegöma). Primo balan obas äföfovegom, poso votikan äföfovegom, e dönu mödikna ävotükobs sökaleodi tefü od – e fino leigüpo ärivobs dakosädalitömi lätik (klülos, das obs bofik imutobs suetön, äsif iseatobs-la dis bedategeds vodik pö hit kildeggradik züöpo). Ye luibasketan äkoefom, das su luibils okik, nesümiks tefü luibs gretik obik binöls, ven äspidikom vemo, tän doliko äsenom me futs kräki alik in sfal ed igo ökanomöv blufön vegis pos nätükam.

Täno äsuemob, sekü kod kinik tö ‘Yekaterinburg’ calans zifik bo desino sfalons e nätükons badiko pärunavegis, in mod somik, dat brekods, neplenöfots, kräks e sepils pro reinafivs obinonsöv ön mödot mu gretikün. Kod atosa binon klülik: calans valik vegons da zif medü toods e labons kudadini balik veütik bu saikulans, tridavegömans, luibasketans, sevabo: däms pärunavegas. Ed if ün hitüp – ön kodül nätükama – pärunavegs sa saikulavegs pedistukons jüi tim nifa balid, tän nek kanon komipön ta calans ninü motoravabs, bi atos binonöv din nen plöp (ön mod sümik hiel ‘Phaethon’ ästeifom ad leigikön tefü hiel ‘Helios’ nebenosekiko).

Vi! ven ek vifavegon medü vegöm nenmotorik, glömi valikanas e vianafeifi in lils juitölo, bei toods mödik dub vif tio litastralik beimufölo, ebo tăn jokon ta neletian no pespetöl, e dofalon, ad punakomipan sui mätöp pedojedöl sümölo. ■

### Vöds anik:

**fanäböpön** to imprison, einkerkern, incarcerar;

**saikul** bicycle, Fahrrad, velocipede;

**tridavegöm** kick-scooter, (Tret-)Roller, trottinette;

**glöt** envy, Neid, invidia;

**luibasket** roller skate, Rollschuh, patin de rotas;

**mätatoodistiran** race driver, Rennfahrer, curritor.

---

## Vöds nulik (2)

### (b) Lömins

In **Gramat Volapüka** fa hiel *Arie de Jong* tuvoy lisedi löminas, kel ninädon lömini: borin, lat.: *borium* (ü *boron*) ko malat: *B* e taumavet: 10,9.

Ün 1976 lömin nulik ko taumavet: 270 pejafädon mekaviko, keli fino änemoy latino eli *bohrium* (stimü füsüdan Danänik: *Niels Bohr*), ko malat: *Bh*. In "Vög Volapüka" yulula, 2010, nem Volapükik tau-ma nulik at penotükon as "borin", nes demön, das nem at ya ädabinon pro lömin votik, sevabo el *borium* löpo pemäniotöl. Kadäm Volapüka ekoräkon pöli at: Nem lömina nulik at nu binon "bohrin". Ven pronoy vödi at (üf atos föro ojenonöv), sötöy pronön eli 'h' äsä in vöd Volapükik: Bahruäns (= nisuls di *Bahrain*), dat no pocänidonös ko lömin votik et nemü borin.

---

## KORÄKOTS TEFÜ GASED YANULIK

**Pad: 1**, setem: 3: ... mens visedik e duinafägik → ... mens visedik e duinafägiks.

" , kedet lätik: tefü zeils oksik → tefü zeils onsik.

**Pad: 2**, Volapük was invented in 1979 → Volapük was invented in 1879.

Noet: El *Arie de Jong* it rigiko ipenom dili balid vödema at Linglänapüki geböl, klu no evotükobs atosi. Ebüocedobs, das Volapükans mödikün suemons püki at.

**Pad: 4**, dis tiäd: ATOS: Egivob ome alis → Egivob ome atis.

" , dis tiäd: DÜ, DÜ: ... e „du” präpod → ... e „dü” binon präpod.

